



Na osnovu člana 2.9 stav (1) tačka 17, a u vezi s članom 10.16 Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08 i 32/10, 18/13, 07/14 i 31/16), Centralna izborna komisija Bosne i Hercegovine je na 16. sjednici, održanoj 11.02.2019. godine, donijela

ODLUKU

o raspodjeli mandata delegatima iz reda srpskog naroda u Dom naroda Parlamenta Federacije Bosne i Hercegovine

Dodjeljuje se mandat delegata u Domu naroda Parlamenta Federacije Bosne i Hercegovine iz reda srpskog naroda neizabranim kandidatima s kandidatske liste Liberalna stranka BiH iz Skupštine Bosansko-podrinjskog kantona Goražde i kandidatske liste Srpska lista iz Skupštine Kantona 10 koji imaju najviše količnike, i to:

- a) **Tanović Velemir**, količnik (0,66) i
- b) **Puzigaća Drago**, količnik (0,60).

O b r a z l o ž e n j e

Odredbom člana 10.10 Izbornog zakona Bosne i Hercegovine propisano je da kantonalna zakonodavna tijela biraju 58 delegata u Dom naroda Parlamenta Federacije Bosne i Hercegovine, 17 iz reda bošnjačkog, 17 iz reda srpskog, 17 iz reda hrvatskog naroda i sedam iz reda ostalih.

Nakon provedenog prvog kruga izbora delegata u Dom naroda Parlamenta Federacije Bosne i Hercegovine i uvidom u odluke o utvrđivanju rezultata posrednih izbora u prvom krugu izbora delegata iz reda srpskog naroda, Centralna izborna komisija Bosne i Hercegovine je utvrdila da je izabrano ukupno 12 delegata iz reda srpskog naroda u Dom naroda Parlamenta Federacije Bosne i Hercegovine od potrebnih 17, te da je pet (5) mjesta ostalo nepopunjeno.

U skladu s odredbom člana 10.16 stav (2) Izbornog zakona Bosne i Hercegovine, Centralna izborna komisija Bosne i Hercegovine vrši ponovnu raspodjelu mjesta koja se ne mogu popuniti iz jednog kantona odmah po završetku prvog kruga izbora delegata u Dom naroda Parlamenta Federacije Bosne i Hercegovine u svim kantonima.

Isto tako, Centralna izbora komisija Bosne i Hercegovine vrši preraspodjelu tog mjesta neizabranom kandidatu koji ima najviši količnik na svim listama koje se kandidiraju za odgovarajući konstitutivni narod ili za grupu ostalih u svim kantonima.

U postupku izbora delegata u Dom naroda Parlamenta Federacije Bosne i Hercegovine, Centralna izborna komisija BiH je za izbor delegata iz reda srpskog naroda ovjerila ukupno 10 kandidatskih listi iz svih kantona. Uvidom u rezultate posrednih izbora iz svih kantona, broj glasova koje su osvojile kandidatske liste, te neizabrane kandidate s najvišim količnikom, utvrđeno je da kandidatska lista Liberalna stranka BiH iz Skupštine Bosansko-podrinjskog kantona Goražde ima neizabranog kandidata Tanović Velemira s najvišim količnikom (0,66) i da kandidatska lista Srpska lista iz Skupštine Kantona 10 ima neizabranog kandidata Puzigaća Dragu s najvišim količnikom (0,60).

Imajući u vidu naprijed navedeno i činjenicu da su ispunjeni svi zakonski uslovi za ponovnu raspodjelu mandata, Centralna izborna komisija Bosne i Hercegovine je, u skladu s članom 2.9 stav (1) tačka 17, a u vezi s članom 10.16 Izbornog zakona Bosne i Hercegovine, odlučila kao u dispozitivu ove odluke.

Ova odluka stupa na snagu danom donošenja i objavit će se 11.02.2019. godine u 17,00 sati na internet-stranici Centralne izborne komisije Bosne i Hercegovine www.izbori.ba, i smatrat će se da je danom objavljivanja ista dostavljena svim učesnicima u posrednim izborima.

PRAVNA POUKA: Protiv ove odluke, u skladu s članom 6.9 stav (1) i (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva dana od dana objavljivanja ove odluke.

Žalba se podnosi preko Centralne izborne komisije BiH i dostavlja se putem faks aparata na broj 033/251-329 ili neposredno u sjedište Centralne izborne komisije BiH, Ulica Danijela Ozme broj 7, Sarajevo.

Broj: 06-1-07-1-63/19
Sarajevo, 11.02.2019. godine

Dostavljeno:

1. Skupštinama kantona
2. a/a

Predsjednik
Branko Petrić

